

SERENISSIMO PRINCIPI  
AC DOMINO,

DOMINO

IOHANNI ERNESTO,  
DVCI SAXONIÆ, IVLIÆ,  
CLIVIÆ, MONTIVM, ANGARIÆ ET  
WESTPHALIÆ, LANDGRAVIO  
THVRINGIÆ, MARCHIONI MIS-  
NIÆ, PRINCIPALI DIGNITATE  
COMITI HENNEBERGIÆ, COMI-  
TI MARCÆ ET RAVENSBER-  
GÆ, DYNASTÆ IN RA-  
VENSTEIN, &c.

PRINCIPI AC DOMINO MEO  
CLEMENTISSIMO.





SERENISSIME PRINCEPS  
AC DOMINE, DOMINE  
CLEMENTISSIME.



Inter summa diuini  
Numinis in me indignis-  
simum collata benefi-  
cia illud in primis nu-  
me-



☉ ( o ) ☉

mero, quod in Diui ERNESTI  
PII, Ducis Saxoniae, gloriosissimæ  
memoriæ, notitiam, Aulam, gratiam  
licuerit peruenire. Inde enim omnis  
mea fortuna vbertim emicuit, tanto  
magis, quanto amplius vniuersæ  
Serenissimæ & coelitus benedictæ  
Domus, & tot heroum radiantis-  
sima clementia in me exporrecta  
fuit.

Vel sola Serenissima Tua ineffa-  
bilis gratia fusissime id in hanc diem  
testatur, quam nunquam deprædicare  
immortali laude fatis valeo.

Id vnum solum liceat humillime  
extollere, quod summum & sapien-  
tissimum demiratus sim dudum Tuum



in arcanis etiam sublimioribus Chimia:  
iudicium.

Vix noui, qui Basilii Valentini scri-  
pta profundissima tam curatissime te-  
neat; qui magis sobrie de omnibus  
illis sentiat, & sine solita non paucis  
in his talibus luxurie, in via Re-  
gia curiosissime versetur, nec admit-  
tat fallacias, & qui hinc successus in  
minera aurifera, per Dei O. M. gra-  
tiam, ditionis Salsfeldensis expertus  
sit profundiores.

Testis horum omnium sustineo  
esse genuinus, expertus etiam hinc  
munificentiam Principalem, & expe-  
rimentis inauditis delectatus subie-  
ctissime.

Mit.



Mitto alias Christianas eminentissimas virtutes, familiæ Serenissimæ & Aulæ florem & splendorem summum, subditorum tenerrimum amorem, ornamentum atque delictum Domus, verbo, diuini numinis benedictionem cumulatissime effusam.

Quare mille modis inductus, maxime rarissima iam, nec latis laudanda experientia in pyrotechnia curiosa, ausus sum Schedas has leuissimas humillime ad pedes Tuos deponere, & Serenissimo nomini subiectissime inscribere.

Seruet Te Deus, Serenissime Princeps, Domine clementissime, qui tot



longissimis annis gratiosissimis Sere-  
nitatis Tuæ radiis lætus & fatus, dum  
vitam largietur diuinum numen, non  
desinam cœlitus perennantem glo-  
riam, & gratiam diuinam, quæ instar  
omnium est, apprecari

SERENITATI TVÆ

Dab. Jenæ M DCC XV.

Cal. Augusti.

humillimus & deuotissimus Seruus

GEORG. WOLFFG. WEDELIVS.





## PRÆFATIO

AD

### *Lectorem Beneuolum.*

**S**æpius quidem in Chemicis desudavi & delectatus exercitamentis, nec vno modo, vel methodo vniformi vsus sum in docendo & demonstrando hæc talia; Scorsim vero obseruavi, paucos admodum occupatos fuisse in Theoria, imo quosdam nullatenus admittere principia Chémica, quin nec ipsa prima rerum, vel notissima elementa quoque.

Atque hinc in tanta putata luce, & experimentis factis abundantissime, nihilominus in diuersas hypotheses & sententias itur adhuc, vt in medio die videatur quædam superesse caligo.

Post vero, quam hæc inuestigauimus nostro leuidenti loco penitus, videmur solida fundamenta, sedula naturæ perquisitione, iuncto antiquitatis scrutinio,

) ( ) (

citra